

Upernaviup aqutsiveqarfiani inuutissarsiutigalugu qassusersorluni aalisarneq pillugu Avannaata Kommuniiani ileqqoreqqusaq

Aalisarneq pillugu Inatsisartut inatsisaat nr. 18, 31. oktober 1996-imeersumi § 23, imm. 2 aamma § 33, imm. 3, aamma Sinerissap qanittuani qaleralinniarneq pillugu Namminersorlutik Oqartussat nalunaarutaat nr. 46, 14. september 2020-imeersumi § 8, imm. 2 malillugit aalajangiunneqarput:

Atuuffia

§ 1. Upernavik aqutsiveqarfimmi, 71° 30'N -ip avannaani, aamma 75° 00'N-ip kujataani sineriammit sumiiffiusumi, aamma aalisartoqarfimmut tunngavigisatut killingisat avataanni sømilit pingasut tikillugit nassuiarneqartutut inuussutissarsiutigalugu aalisarnermut ileqqoreqqusaq atuuppoq.

Inuussutissarsiutigalugu qaleralinnut qassusersorluni aalisarneq

§ 2. Qaammatini januarimi, martsimi, apriliimi, maajimi, novemberimi aamma decemberimi ilanngussani sumiiffiit nalunaarsukkat avataanni inuussutissarsiutigisatut qassusersorluni qaleralinniartoqaqqusaavoq.

Ataatsimoorussatut aalajangersakkat

§ 3. Ukiuunerani sikoqarnerata qassusersorluni aalisarneq ajornartorsiortissappagu najugarisami peqatigiiffinni tusarniaareernermigut qassusersorluni aalisarneq kommunalbestyrelsip matusiffigisinnaavaa

Pineqaatissiissutit

§ 4. §§ 2 aamma 3-mik unioqqutitsinerit akiligassinneqarnermik arsaarinnissuteqarnermillu malitseqarsinnaapput.

Imm. 2. Imm. 1 malillugu akiligassiissutit pinerluttulerinermut inatsimmi kapitali 5 malillugu inatsisitigut inuttut naatsorsuussanut akileeqqusaasinnaapput.

Atuutilernera

§ 5. Ileqqoreqqusaq nalunaarutigineqarnerata tassanngaanniillu ullup tulliani atuulissooq.

Imm. 2. Taamaalinerani Upernavik aqutsiveqarfimmi inuutissarsiutigalugu qassusersorluni aalisarnek pillungu Avannaata Kommunianut ileqqoreqqusaq 16. december 2020-meersoq atorunnaarsinneqarpoq.

Taamatut ulloq 21. december 2021-mi Avannaata Kommuniani Kommunalbestyrelsimit akuersissutigineqarpoq.

Palle Jerimiassen
Borgmesteri

Tamatumuuna aqutsiveqarfimmi Upernavik inuussutissarsiutigalungu qassuserluni aalisarnek Avannaata Kommuniani ileqqoreqqusaq akuerineqarpoq.

Namminersorlutik Oqartussat, 1. januar 2022

Aqqaluaq B. Egede
Aalisarnermut, Piniarnermullu Naalakkersuisoq

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut

